



Nuuk 3. marts 2015

Inatsisartut suleriaasianni § 37 naapertorlugu apeqquteqaatit imaattut naalakkersuisunut ingerlatippakka.

- 1. Qaqortumi mittarfissaq pillugu naalakkersuisut suliakkiinikuuppat Rambøll-imut imaluunniit Niras allanulluunniit siunnersuisartunut nalunaarusiornissamik siunertaqartumik suliaqartitsillutik?**
- 2. Mittarfik sananeqarluni atuuttussanngussagaluarpat akilersinnaassuseq misissorneqarsimava?**
- 3. Qaqortumi Mittarfissaq angalasut akiliutaannut, pisortat kiffartuussiner-mut aningaasaliissutaannut kiisalu suliffissat amerlassusaannut minnerun-gitsumillu inuiaqatigiit ataatsimut isigalugit akilersinnaassutsimik qanoq isikkulimmik nalunaarusiortoqarsimava?**
- 4. Naalakkersuisut Rambøll-ip imaluunniit Niras-ip allalluunniit nalunaarusiaa imaluunniit misissuisimanera Inatsisartunut ilaasortanut saqqummiutissa-maarpat? Taamaangippat sooq saqqummiunneqassanngila?**
- 5. Qaqortumi mittarfissaq pillugu silamik misissuinerit qanoq ingerlan-neqarpat?**
- 6. Trafikstyrelse Qaqortumi mittarfissamut tunngatillugu suliner-mut ilaatin-neqarpa?**
- 7. Naalakkersuisut ilumut eqqortumik oqaatigisinnaavaat uppernarsaatitaler-lugulu Qaqortumi mittarfissaq inuiaqatigiinnut nunatsinni akilersinnaaner-paajusoq?**
- 8. Qaqortumi mittarfissap nunatsinnut inuiaqatigiinnullu akilersinnaaner-paajunerarlugu naalakkersuisooqatigiit oqartarnerat uppernarsarlugu naalakkersuisup akisussaasutut suut uppernarsaatigai?**
- 9. Ilulissani mittarfiup allineqarneratigut, Kangerlussuarmilu mittarfik matullugu Nuuk-mi mittarfissualiornikkut aammalu Narsarsuup mittarfia matullugu Qaqortumi mittarfiliornissaq uppernarsakkamik kisitsisitaler-lugu takussutissiorlugit akilersinnaanerunerat naalakkersuisup saqqum-miussinnaavai?**
- 10. Nunatsinni mittarfiit akilersinnaanerpaamik ingerlasut siulliit tallimat naalakkersuisup akissuteqaammini takussutissiorsinnaavat?**
- 11. Naalakkersuisup uppernarsarsinnaavaa mittarfinnik sanaartorneq inuiaqa-tigiit aningaasaqarnerannut sunniuteqassanngiivittoq? Taamaangippat qanoq sunniuteqassanganneqarpat?**

(Inatsisartuni ilaasortaq Aqqaluaq B. Egede, Inuit Ataqatigiit)

Tunngavilersuut:

Naalakkersuisooqatigiit isumaqatigiissutaat atuareerlugu apeqquteqaatit itinerusumik tunngavilersornagit ingerlatippakka. Apeqquteqaataapput aalajangernissamut tunngavissat amigaatigineqartut amerlaqimmata. Naalakkersuisooqatigiilli oqaatigisartagaat allanngor-nagit apeqqutinngorlugit naalakkersuisup akisinnaassammagit ingerlatippakka. Tassami mittarfinnik sanaartorneq inuiaqatigiit aningaasaqarnerannut pinngitsoorani sunniuteqar-tussaammat.